

OMUKWETU

Registered at the General Post Office as a Newspaper

ONGERKI OYO YENE TAYI POPI

Ongerki yomOwambo oyi na aapopi yayo yene okutamaneka iilonga iwinayi moshilongo, osho omukuluntutumwa Rev. Mikko Ihamäki a popya muEuropa konima sho Epangelo lye mu indike okugalukila kuSuidwes.



Omukuluntutumwa Rev. M. Ihamäki

Evangelii olya dhimbululwa olyo ekotalyemanguluko

Ehokololo lyeikonakono lyokangundu kAakwaluther nAakatolika olya simakekwa ongonkatu onde ya katukwa mehistolii lyoongerki ndhika mbali. Okutameka 1967 oongerki ndhika odha tameke okukonakona eyooloko lyopokati kadho muyelele wuuteologi, nekonakono ndika olya pewa oshipalanyolo "Evangelii nOngerki."

Okangundu kiilyo itano mehokololo lyako oka tompelwa nkene evangelii li li po omukanka gwemanguluko lyopakriste, onkee ongerki oya li yi na oku shi uva ko nokulonga ongoshilyo shemanguluko.

Ehokololo ndika lya kolekwa neshaino kwamushanga omunene gwOngongahangano yaakwaLuther Dr. André Appel nokomupresidende gwoshikandjo shiinima yuukumwe wopakriste mongerki yaKatolika, Jan Cardinal Willebrands, olya ti kutya;

Mekwatathano nehangano lyomUulalelo

Pashifo "Information" omusitagongalo Ihamäki okwa ti: "Itatu vulu we tu kale twa mwena aluhe. Otu na okulonga ongewi lyaamboka ya kuthwa ewi lyokupopya nokwiipopila."

Omutumwa Ihamäki okwa li e na okugalukila mpaka petameko lyaKotoba ihe Epangelo lya S.A. oye mu tseyithile hwiya-ka kaa galukile we mpaka pamwe negumbo lye. Oya li ya ka fudha po oomwedhi dhimwe kOsoomi.

Nonando elombwelo ndyoka lya za, pakulombwelwa kwe, koministeli yotango, omusamane John Vorster, inayi holola etompelo kutya omolwashike, omusamane Ihamäki mwene okwa dhiladhila ngiika kutya, epangelo oye mu tala oye gumwe gwaamboka yi itula miinima yuupolitika noyonkalathano yesiku kehe.

Omutumwa Ihamäki okwa ti: **Otwa li tatu kambadhala okukala nawa nEpangelo ngashi tashi vulika, ihe okwa ti wo kutya, ongaakriste itashi vulika okumwena omahepeko gaanandholongo.**

Pashifo "The Windhoek Advertiser" sheti-22.9.72 egumbo lyomusamane Ihamäki sho. inaali pitikilwa okugalukila mpaka, oshi na sha nEpangelo lyOwambo.



Mefano kolumoho amushanga omunene gwaKatolika gwiilonga yelongelokumwe lyoongerki dhilwe Cardinal Jan Willebrand. Efanu olya fanekwa pethimbo lyoshigongi shaLWF-1970 pamwe nomuwilikingerki K. Knutson gwaAmerika.

Uuyapuki, ope na ompito yokulongitha uukumwe mboka ngashi wo shi li nale momautho gOngerki uuna aantu ya gongala miigongi yopaukumwe (ecumenical events) nenge omomayakulo gopausita uuna omusita ta ya-



Okutidhwapo kwaawilikingerki nenge okutindilwa oopaasa opo yaagalukile miilonga otashi tana esiku kehe nonando Epangelo lya S.A. otali hokolola kutya kali na uupyakadhi miilonga yongerki.

Aawilikingerki mboka taa kondjitha okatongotongo nuwinayi womonkalathano yaantu yesiku kehe, otaa talwa kutya oyo aatondi yepangelo. Oongerki mu S.A. nomuSuidwes sho dhi itala kutya odho wo oomwayinathana noitaali ayehe muuyuni, oshilonga shOngongahangano yaakwaLuther osho okutala ekwatathano lya teke.

Mbika oya hokololwa kwamushanga omunene gwOngongahangano yaakwaLuther (WLF) Dr. Andre Appel, sho a kundana kutya omusamane Ihamäki negumbo lye itaa galukile we kiilonga ye kOwambo.

kula Omukwaluther nOmukatolika ya hokanathane.

Ehokololo olya tsikile kutya, nonando pe na ompito ya tya ngaaka, okwaayela kwelongo lyeyakulo lyopausita onkene taku dhigupaleke oshililo shuukumwe mokati kiilyo yomoongerki ndhoka.

Okangundu haka otaka tsikile natango okukonakona iinima yako notaka ka gandja ishewe omadhiladhilo gako muMaalitsa 1973 omolwelongo lyoongerki ndhika notashi ka pendutha ngiika oonkundathana dha kwata miiti pokati koongerki. (LWF-Information)

OMATOKOLO GAAGU-NDJUKA

Ehangano lyaagundjuka yOngerki ya-Elok sho lya holka po olya ningi mbala omatokolo gokugongela iimaliwa nokutameka oshilonga shetumo mokati kaapagani. Aayevangeliste yane gumwe moshitayingerki kehe, o-haa li oshikwiila tashi zi miikaha yaagundjuka.

Shika osho onkatu yopetameko le-la ya ningwa kuyo ndjoka yi inyengitha oongundu dhi ili nodhi ili mongerki okuya miilonga yoshilongatumo. Oongundu dhilwe ongaashi aasitagongalo, aapangi, aakulukadhi, naalongi.

Einyengo lyaalumentu moshinima shika sigo onena eshona, ihe ope na etegameno li ka koke wo komeho.

Moshituthi shoovvula 100 Etumo lyaSoomi sho lya longo mOwambo, aagundjuka oya ningi etokolo ekwawo enene ya thikameke etungo mepya limwe lyetumo ndyoka tali ka hokololela aagundjuka yokomimvo 2000 kutya mongerki ndjika omwa kala aagundjuka ye hole oshilonga shetumo. Etungo ndika oye li thikamene sho ye li talele. po pethimbo lyoshigongi shawo mOnyaanya. Olya pula ooranda dhi vule 4,000, mepya lyOnankali mOndonga.

Iilonga mbika iinene noya simana tayi longwa kaagundjuka oyo iidhigu okuziminwa komuntu wa tseyo onkalo yawo mOwambo, oshoka oyo aantu yowala ngashi hatu tiwa (gewone mense). Shoka ye shi ninga notaye shi ningi natango itashi vulika nando koongundu dhilwe dha talika dha simana monkalathano. Pamwe opo mpaka ohapu yomuyapostoli Paulus tayi tsu sho ta ti:

"Mbyoka iinkundi oyo Kalunga a hogolola a sithe ohoni mbyoka yi na oonkondo." 1Kor. 1:27

Etokolo ekwawo aagundjuka inaye li tila olyokugwedhela ontengeneke-lafaneko yiilonga yawo omumvo kehe. Nuumvo efaneko ndyoka olya londo sigo R9900, omolwiilonga yomumvo tagu ya 1973. Shi vule po nokuli kashona. Otaa yi gongele taa kutha peni? Oondunge dhawo otadhi kumitha. "Mpoka pe na ehala epe na wo ondjila yokulonga."

Atuhe twa landula oshinkoti shawo shomomimvo 10 dha piti otatu zimine pamwe nomumbisofi gwongerki Dr. L. Auala sho e ya kundu moshigongi shawo nuumvo a ti:

"Onde shi itaala omolwomatokolo geni omanene hamu ga ningi, otamu ka longa iilonga iinene mongerki ndjika."

Ohapu ndjika oyoshili wo kutya ngoka e na aagundjuka ongaashika iikuti moshikaha shofule, onke ita si ohoni nge taa kundathana muuyanda naatondi ye." Ps. 127: 4,5

Oushakeneno weengerki muSuidwes otau likundwa paife

Efaneko limwe ola penduka meengerki dihapu dopakriste mu-Suidwes alishe opo ku kundafanwe nhumbi taku ningwa oushakeno (Gemeenskap) weengerki omu.

Ovawilikingerki mongerki keshe ile Omapan-gelongerki ngeenge taa hoolola oilyo yomekundafano olo aishe kumwe, i fike ngeno po-500 nongudu ei otai talika oshilyo shimwe (liggaam) ashike.

Ongudu ei otai kala noinakuwanifwa ihapu; otai dulu okutota po okakomisi kokukonakona olnima, ngaashi ngeno okupulanda onhele youshakeneno mOvenduka; ongudu otai tale yo oghalo yoinyanyangido yee-ngerki omu nhumbi tai dulu kulongifwa yo nokeengerki dikwao.

Momaudjuu, ongerki keshe i li mo oi na omhito okweeta omaudjuu ayo a kundafanwe mo, yo i pewe ondunge yopaumwainafana. Eengerki dinini ngaashi "Independent African Churches" mokulikalela kwado di ehenifwe moukumwe.

Oinakuwanifwa ya fimana

Oshilonga sha fimana shongudu ei

a) okukonga alushe ondjila iwa mwaasho tashi hange ongerki imwe yomwaado

b) okukwafafana moilonga tai puandwa (projekte) kongudu oyo ile kongerki ikwao.

c) okuyepa ondilo mokulongifa omatungo omolwoshilonga shonhumba nande tashi dulu yo okulongelwa ponhele opo sha longekidilwa nale mongerki ikwao.

d) okweeta po eewino noilonga mouku-

mwe opo shi kwafele eengerki dikwao edi itadi shi dulu adike, osho yo okuyandja nokutandavelifa ouyelele moimima aishe tai pumbiwa.

Ongudu otai pewa oufemba weenghono okulonga, ndele ongerki keshe otai tokola yoo vene kutya otai litula mo shi fike peni melongelokumwe eli.

Omwamemengerki yomOushimba oya tete-kela nale moshinima eshi noya hoolola Rev. Albertus Maasdorp, a ninge oshilyo moshikundafanwa eshi. (Eid)



Etungo lyongerki ndjika kekatho lyimaliwa yaagundjuka, mongerki ayihe, otali pumbwa natango konyala R400 nenge shi vule opo yi kale ya pwa. Oshigongi shaagundjuka ayehe mOngerki osha thikama puyo nokukuminwa eenditho lyaKalunga sho e ya tokolitha omatokolo ga simana.

Epangelongerki lipe la E.L.K.

Ongerki onghwaevangeli paLuther yovadalelwamo mOushimba (ELK) moshongalengerki shayo neudo oya hoolola oilyo ipe yEpangelongerki omadina ayo taa shikula apa:

Rev. Albertus Maasdorp, Petrus Drigaardt; Rev. Klaus Eichholz omuponhele wovatumwa mongerki; Rev. Hendrik Jod; Rev. Frans Kariseb; Rev. Jakob Kaister Rev. Salomon Boois; Rev. Zefanja Kameeta; Rev. Metusalem Shilongo; Rev. Jason Haufiku; Rev. Oscar Shamhe; naRev. Hendrik Frederik ou ta kala yo hamushanga wongerki.

Epangelongerki otali wilikwa komuwilikingerki, Dr. L.de Vries ngeenge ehe po okomuponhele waye Rev. P. Gowaseb.

Eyakulo Iyiinyanyu no-mayambeko gaKalunga

"Ebed-Melek, Omweetiopia, elenga lyomuuwa womukwaniilwa sho ku uvu Jeremia u umbilwa momuthima, okwa yi komukwaniilwa nokwa ti: "Omuwa gwandje, aalumentu mbeyaka oya yono, sho yu umbile omuprofeti Jeremia momuthima."

"Oye ta sile mo ondjala, oshoka moshilando kamu na we iipalutha" Omukwaniilwa okwa lombwele elenga Ebed-Melek: "Kutha aalumentu 30 mu ka hile mo omuprofeti momuthima manga inaa sa."

Elenga nolya yi nomukwaniilwa koho yondunda yiipako nokwa kutha mo omalapi giinyanyu omakulu nokwe ga kulukithile kongodhi kuJeremia momuthima noye mu hili mo." Jer. 38:6-13.

Aantu yaKalunga oye li miilambo taa sile mo ondjala nenota nokaye na etegameno. Omo ye li taa kugu esiku kehe, nane wo mboka mwa thikama mpaka omwe ya uvu sho mwa kala miilonga yeni yeyakulo.

Omudhingoloko otagu tu hepeke, otatu kugu owala. Ihe Kalunga okwa tseyana nale omaudhigu gaantu ye, onke omakwatho wo opo ge li. Kalunga okwe tu shiti ngaaka aantu tu na ohenda opo tu silathane ohenda. Oku na mboka ya kanitha ekwatathano naKalunga onke kaye na we ohenda muyo. Uutondwe ashike tau pangele.

Patekisti ndjika onkundana oya li mpoka kutya Jeremia okwe ekelwa moshilambo. Omukwaniilwa ka li e shi shi mbela? Ina tseyana iinima yomoshilongo she? Otu na etegameno kutya okwa li e shi shi, ihe elenga Ebed-Melek okwa yi ko e mu tseyithile natango oshinima shika.

Elenga olya li tali vulu okuya tango koshilambo nokuninga ashike shoka tali vulu, ihe ina hala oku shi ninga. Okwa hala okupewa etumwalaka komukwaniilwa.

Shika osho nashi kale elandulathano lyeni nelalakano miilonga yeni. Mpaka omwe ya po powalitali yOmuwa mu taambe eyambeko. Ando mu tseyithe Kalunga tango aantu yeni kutya, oye li momuthima, taa ehama. Kalunga ote mu pe shono mwe shi pumbwa.

Komukwaniilwa, elenga olya pewa aakwathi 30. Nane osho tamu ka lombwelwa kOmuwa "Kutha yakweni." Nayakweni haamboka ashike ya zala ohema ontokele ngaashi mu li. Naamboka wo ye li mongilini, mombulau nenge muyilwe. Oshinene osho shoka kutya, ku vulu okulonga awike.

Elenga olya li lya tseyana mpoka pe na iinyanyu. Osho nane wo omwi ilongo oshindji. Ontseyo wo otayi pumbiwa. Ihe ashike tamu yakulitha osho iinyanyu, yowala, oshoka iilongitho yeni kayi vulu sha ngele kape na elombwelo lyOmuwaniilwa, nenge pwaa na ekwatho lyooyakweni.

Iilongitho yeni nando yi kale ya fa ya simana, oyo iinyanyu, oshoka kayi shi eikelitho lyeso. Tse otu na okusa naKalunga awike ta gandja omwenyo. Onawa ano ngele tamu longitha iiyakulitho yeni mwa za powalitali yOmuwa nelaka lyomukwaniilwa omunene, opo yi kale yi na eyambeko.

(Lya uvithwa komusitagongalo Festus Ashipala melangeko lyaapangi mOnandjokwe 8.9.1972).

Ojanpera a imbwa okukundafana oshilonga shetumo apa

Omushamane Olavi Ojanperä eshi a li a hala okuuya mOwambo a kundafane oshilonga shetumo nhumbi tashi longwa apa pehovelo lohani ei, Epangelo la S. A. inali mu dimina a fike mOwambo. Omushamane Ojanperä oye hamushanga woinima yetumo lomu-Afrika mEhanganotumo laSoomi.

Oshilonga shouhamushanga okwe shi tambula eshi a kala efimbo ta longo oshilongatumo muTanzania omo Etumo laSoomi tali longo fiyo onena. Molweendo eli okwa talelepo omapya etumo muAfrika fiyo kuAngola, oko Ehanganotumo laSoomi tali hovele oshilonga shevangelii mekwatafaano novahongi ovo hava longo ko.

Omutumwa Ojanperä eshi a dja kuAngola

"EBEN EZER"

Aasitagongalo 11 yomongerki yaElok, oya gongala moshigongi shawo shehambelelo mOngwediva sho ya gwanitha omimvo 10 miilonga. "Sigo ompaka Omuwa okwe tu kwatha," osho sha li enenedhiladhilo moshigongi shoka.

Ongundu yepito etihetatu lyaasitagongalo mongerki ndjika, 11 ayeke yomaasita 17 ya vulu okukala moshigongi. Oya pitile eti-19.8.1962 muElim. Rev. Kristof Shuuja naRev. Hendrik Ndengeinge, oya adhika mUushimba manga Rev. Abisai Shejavali e e li natango meilongo lye kuAmerika.

"Naku ningwe omagalikano omolwevi lyetu, opo pu kale ombili netilokalunga, naku ningwe omagalikaneno omolwomalimbilithano pokati kongerki noshilongo. Omomagalikano amuke Kalunga a tala taga vulu okweetitha po ombili."

Osho omumbisofi gwongerki Dr. L. Auala a lombwela oshigongi shehambelelo.

Kakele kiipopiwa yokupendulilathana omahambelelo omolweenditho lyaKalunga, aa-

ina itavelelwa kepangelo a kanghame mOwambo omo mu na efina loshilongatumo shOvasoomi tava longo muSuidwes. pOniipa ina twa po omutyonghe nde a twikila ondjila yaye fiyo kuTsumeba. Ota kundu Ovawambo aveshe.



Rev. Olavi Ojanpera

sitagongalo moshigongi shawo oya kundathana wo iinima tayi nkundipaleke oshilonga shawo moka ya langekwa mo nokuulukilathana ondjila yoku yi yanda.

Oshilongatumo, ehungomwenyo, nokukalamwenyo kwomusita kwesiku kehe, oyo iinima yimwe ye yi kundathana moka. Oluhepo lwomakwatho gaakulukadhi yaasitagongalo ongaayakuli pamwe nooyene yawo, olwa dhimbululwa moshigongi nomafaneko ga ningwa po ogu undulilwa kEpangelongerki.

Oshigongi shika shotango ngiika muukwanya washo, epito lyongundu yimwe sho lya vulu okuhiyathana nokuhambelela Kalunga pamwe, osha kale omasiku gaali netata mewiliko lyomusitagongalo Mika llonga, Okahao gumwe gwaakwashigongi. Omutonatelishitayingerki shUukwanyama Rev. Filippus Shikomba, ina kala mo ashike pashilonga she, ihe okwa li wo omukwashigongi shoka.

"Atuhe opo tu li natango miilonga," osho sha tumbulwa kuyo olwindji. Aanelago omboka taa dhimbulula shono ye shi ningilwa kuKalunga.



Ongudu ei oya li moshongalele shi na enenediladilo li li moshipalanyolo eli tali ti "Fiyo opopo Kalunga okwe tu kwafa" Meme Maria Shikomba nameme Aili Dengeinge okwa li yo ova mona omhito yokukala moshongalele ponhele yovakulukadi vakwao vongudu ei.

Omuwilikingerki omuvalelwamo

Ongerki onkwaevangeli paLuther yaavalelwamo mUushimba (E.L.K. oya thiki ponkату yokuwilikwa komuvalelwamo sho ya kala mewiliko lyaatumwa konyala oomvula ethele limwe netata.

Moshigongingerki shongerki ndjoka sha ningwa pehulilo lyomwedhi gwa zi ko mOtjimbingwe, omuvalelwamo Dr. Lucas de Vries, okwa hogololelwa oshilonga shewiliko nomawi 56. lilyo ayihe ya li yi na ewi moshigongi shoka oya li 111.



“Itatu iuvitha tse yene”

Ehokololo lyoshilonga shongerki onkwaevangeli paLuther mUushimba (ELK) 1970-1972 ngashi lya hokololwa komuwilikingerki gwopethimbo ndyoka Preses Hans Karl Diehl, moshigongingerki mOtjimbingwe 24-28. 9. 1972. Olya fupipikwa.

Mpo pu thike einyengo lyuuyuni, oyo pu thike oshinakugwanithwa shongerki okuulika kemanya lyaaluhe **Jesus Kristus**. “Itatu iuvitha tse yene, ihe oJesus”.

2kor. 4:5

Shika osho sha li elalakano lyombilive yeeguluka ndjoka ya li ya hili aantu muudhigu, nomeshunduko nomokuyoololwa kuyakwawo monkalomwenyo yesiku kehe. Ongerki mokuvulika kehempululo lyayo oya ningi okana kaavalelwamo pwaa na elalakano lyuupolitika.

Ongerki otayi shi tala noluhodhi olunene sho omolwombilive ndjoka oya talitha aatumwa noosikola dhawo kaatiligane ooyakwawo kutya omahangano gowala gaakomunisi. Shika otashi vulika osho wo tashi koleke epangelo li indike okugaluka kwaa-nashilonga miilonga yetumo.

Ongerki inayi holola ewi lyayo nelalakano lyokushundula epangelo lyoshilongo, ihe oku li yelithila owala onkalathano yoshili, oyo oonkundathana dhi ye po meinekalahano nopahole. Patiyali ekwatathano ekulu ndyoka lya kala pokati kEhanganotumo lyaRyns nolyaSoomi okuza nale shi vule pomimvo 100, olya kolekwa ishewe koku-

Okwa li gumwe gwomaahogololwa ooyakwawo Rev.A.Maasdorp na Rev.E.Eiseb.

“Otandi pandula sho mwi inekelele ndje oshilonga shi thike mpoka, ihe inamu tala kungame, tu taleni kungoka e na oonkondo tadhi gwanene pombanda muunkundi,” Osho omuwiliki omupe a popi konima yehogololo lye.

Omusamane De Vries okwa adhika oyo a pewa onkantu yuundohotola muuteologi mosikola yokombanda muNdowisilanda. Mokugalukila kegumbo okwa langekwa a ninge omulongi gwaasita mosikola yuuteologi yahangana yoongerki mbali dhaavalelwamo muPaulinum, Otjimbingwe. Okwa yakula omusamane Preses H-K. Diehl ngoka a wilike ongerki omimvo 25.

Pamwe nomuwilikingerki omupe ngoka ti ithanwa Preses (peha lyoshitya ando omumbisofi nenge omupresidende gwongerki) oshigongingerki osha hogolola natango omusitagongalo Paulus Gowaseb a ninge omupehawiliki gwongerki.

Rev. Gowaseb ngoka a kala omuwiliki gwEpangelongerki naangoka a tseyika meshaino lyombilive ye eguluka ya tuminwe kaawilikingerki yomuSuidwes koministeli yotango ya S.A. okwa hogololelwa oshilonga shika nomawi 68.

Pamauthompango omupehawiliki oku na oshimpwiyu oshinene meni lyongerki nopondje yayo. Ongerki ndjika ya ELK oya walwa kEtumo lyAandowishi noya hangana kumwe nongerki yetu, Elok, nuumvo.



Omupapa Paulus VI okwa gwanitha omimvo 75 muSeptemba 72. Ota wilike aakatolika konyala oomiliyona 600 muuyuni auhe.

hangana kwoongerki mbali; Ongerki ya ELOK noya ELK, tadhi ithanwa VELKSWA. Osha ningwa 2 Maalitsa 1972 mOtjimbingwe.

Nashika kashi shi nando okuulukila. Epangelo kutya oongerki otadhi kondjitha omukalo gwokatongotongo, ihe onkatu ya za mevuliko lyOmuwa gwOngerki. Kombinga yomwamemengerki yAandowishi (DELK) ongerki yaatiligane), sho Epangelongerki lyawo naasitagongalo ya nyengwa okuuvitha ko omagongalo gawo uukumwe mbuka shoka tau ti, tse itatu vulu sha

shilwe, shila oku ya etela ashike ohenda.

Tse otwa tala ethimbo olya pya oyo tu tunge ontopa pokati koongerki onkwaLuther manga kuyele.

Aatumwa mongerki

Okuza 1970 aatumwa aakiintu nenge aalumentu 27 oya zi mo miilonga nokushuna, nayalwe 6 oye li pukuza mo. Aatumwa 5 mboka ya li ya pumbiwa shili kongerki oya indikwa ya galukile mpaka kepangelo. Shika omunwe tagu ulike ompumbwe yokomeho yaanashilonga mongerki oyo aavalelwamo ya langekwe miilonga yawo.

Etameko lyaavalelwamo okutamba iimpwiyu yiilonga oyo li li nale. lilonga yaagundjuka, yaakulukadhi, iilonga yomankuma, yoosikola noyomagongalo otayi wilikwa nale kaavalelwamo.

Ekwatathano lyongerki noongerki dhilwe

Ongerki ndjika kayi na ashike ekwatathano noongerki dhokombanda yomafuta nenge dhomOrepublika S.A. ihe oyi li na wo mokati ketu sho tapu tungwa ontopa yuukumwe wopakriste. Oshigongi shuukumwe noongerki dhilwe osha ningilwe okuza 1970. Opwa fanekwa wo kongerki yaAnglikani ku ningwe ekotampango lyomatsakaneno goongerki (Gemeenskap van Kere) ndyoka tali kala naayakuli ya ziminwa paveta taa zi moongerki tadhi tsakanene.

Eti-6-8 Juli 1971 mOtjimbingwe omwa ningwa wo oshigongi kumwe naawiliki yiimpaga ngaashi Oruuano, AMEKA, Africa Church, nosho tuu. Opwa dhimbululwa ompumbwe shi ningwe ishewe.

Ongerki yOombulu (N.G.K.) otu na elongelokumwe nayo unene moshilongatumo kuBotswana mokati kAaherero nAayelee. Aayelee mboka oya kwatathana naamboka ye li puTsumkwe, S.W.A. popepi nOkawango. Mbaka ohaa yakulwa kongerki ya N.G.

Ihe ope na oshilongatumo shoka tashi longwa kuyo muSuidwes tashi tu limbilike. Shono twa uvu notwa dhimbulula mpaka naampeyaka, osho shono kutya, otaa longo naanaa mokati kiilyo yoongerki dhetu mbali; ya Elok noya ELK. Osikola yaayevangeliste aaluhe ndjoka ya li ya fanekelwa kevigumbo lyAdamara, Welwitshia, oya dhikwa ngashingeyi mOutjo. Shika otashi tu ehameke.

Omwenyo momagongalo

likolitha noluhondelo oya ninga omutondi omunene gwomwenyo gwongerki. Aakriste wo otaa yemata koshinima shika. Ondilo yoshinanena otayi hili aantu noku ya fala momanyanyu gopayuni pwaa na eipangelo.

Ihe kombinga onkwawo momagongalo aakriste oyo ye li taa thikama omuthika nokukonga ondjila ye na okweenda nayo. Mpoka egongalo lya penduka nolya penduthwa, ooitaali otaa gandja omagano niigandjwa yawo mbyoka tayi kwatha egongalo kombanda nopambepo. Omolwomukundu gwekonomi mongerki, ethimbo olya pya ongerki yi dhiladhile oshilonga shelelo lyegumbo lyaKalunga okukwatha omagongalo naawiliki yago.

Mwaaie nando hatu holola aluhe omaudhigu ngoka tu ga na miilonga yetu, omuntu otashi ku yelee wo kutya, oshikaha shewiliko shOmuwa inashi etha po nando lumwe ongerki ye oku yi enditha noku yi gamena noku yi pa omaganohenda ge. Ndjika oyo owino yi nyanyudha noyi shi oku tu tsa omukumo tu tumbule kutya:

Itatu iuvitha otse yene, ihe Jesus Kristus Omuwa.

Dumeni a laleke aagundjuka

“Otu na aagundjuka mongerki ndjika yaElok, ye na omwenyo, ihe oshilonga shomokati kaagundjuka tuu mboka onkene shi na natango eulumo meni lyongerki,” osho omusita omukuluntu gwaagundjuka Kleopas Dumeni a tumbula moohapu dhelaleko lye.

Moshigongi shehangano Iyaagurdjuka yomongerki ayihe sha gongala omasiku ga zi ko mOnyaanya mOndonga, omuwiliki gwaagundjuka, Dumeni okwa gandja oshilonga shewiliko komusita omugundjuka Heikki Uushona.

Oku mu ulukila onkatu yotango noya simana okulonga oshilonga shokuwilika aagundjuka, tate Dumeni okwe mu lombwele:

“Omawiliko ngele taga dhigininwa nawa momagongalo nomiitayingerki, nena oshilonga otashi ka enda nawa, onkene aawiliki yomomagongalo otaa pumbwa natango epitudho ewanawa. Osho wo oshilonga shomeni Iyaagundjuka mongerki oshi na eulumo.”

Aagundjuka ya za koombinga adhihe dhOwambo sigo kUushimba nokuli ye vule 900, oya li moshigongi shoka.

Omusamane K. Dumeni okwa longo mokati kaagundjuka omimvo 10 nEpangelongerki olye mu mangulula mo moshimpwi, yu shoka nuumvo, opo a longekidhe egongalo epe moshilando oshipe shaShakati.

Nkene Kalunga e hole aagundjuka yongerki ndjika, otashi monika sho kwa li a langeke omusita Dumeni ependa nomunankondo moshilonga shika okudhika ehanganone enene Iyaagundjuka ye thike mpoka.

Osho sha tumbulwa nonkumwe komulanduli gwe Rev. H. Uushona ngoka naye ku uvaneka okuninga ashihe ta vulu moshilonga shoka oshinene noshidhigu. Tate Heikki pamwe noshilonga shika oye wo omuwiliki gwoshilonga shosikola yOsoondaha mOngerki.



H. Uushona

Sitambo serongo

Ame kuna lireta kweni vanona nonomitiri nonosikorakomitee mu ya mone nge, one mu zuvhe ruuyungo rwange. Morugendo oru rwange kuna hara kuuyunga none sitambo sErongo eyi asi tanta.

Nkenye gumwe ogu ga hara kurironga ga hepa kudiva tanko sitambo sErongo ndi sasure eyi asi tanta ntantani asi kondjera. Komeho zokuza mosure muntu adiva tanko weka sure neyi ngazi ka mu pa. Sikwafo serongo kudivisa ogu ga kara nositambo sokuhara kudiva yuma ndi kurugana yuma momutyima gwendi. Eyi yangesi kutunda momutyima gokurihuguvara asi ame ntene ni za mosikora ngani ka diva mo yuma oyo yokureta sikwafo sokuhepurura nge ame hena ngani ka vatera sirongo setu. Kuhara kwangesi nsene ono hara kukara nomulyo ntudi kuza mosikora ntani kukara po. Magazaro kuhepa etjimapo nekondjo yokukondjera kusikisamo eyi vawa gazara asi lyi kare po. Vano na ngano mudive sitambo sErongo eyi sa hara ku tu pa ngano nkenye gumwe kukondjera kuza mosikora. **Yeeyi Erongo ndi sure kwa karerapo uwa womuntu nou wosiro ngo, yiso sitambo sErongo oso.**

Uwa womuntu nou wosirongo ku u gwana ngapi? Nangura Hamutenya ana diva, sitambo sErongo eyi asi tara makura ta zinye mosure. Nangura ta tameke kulironga nengano eli asi sure ngazi ka mu pa yuma nga-

ka yigare. Makura ta lirongo dogoro koundokotora wokuhakura vantu. Posimena oso ana piti undokotora tava mu tyanga monokurante asi mukadona gokoKavango Nangura, Hamutenya ana piti undokotora. Sure azo ku mu damuna zi mu zerure makura tazi mu pe edina asi Kavango tara Ndokotora Nangura, yirongo yopeke tareni moKavango, ndokotora mo Nangura Hamutenya.

One nomitiri ntene mu diva sitambo sErongo ngano mu rugana noudameki wokunika asi varongwa veni ngava ze komeho melirongo lyawo yoipo ngava ka mu tumbagure asi mwa rugana neharo lyokuhara sirongo seni norudi rweni. Sitambo esi sErongo kuninka asi mitiri a sikise mo maru venye goyirugana yendi mokutwara komeho efumano lyendi naeli lyosirongo sorudi rwawo.

a) Nomitiri da diva sitambo sErongo kuliwapayika ira kudiva vene oyo vana kukaronga vanona vawo.

b) Nomitiri dokudira kudiva sitambo serongo awo kapi ava fire mbili maruvezezo sure ndi kuliwapayikira yirongwa yawo. Vamitiri vangoso ntene kuna kuwiza kosure kuguru kumwe kumwe kure kumwe kusupi mo-



Raimo Holopainen



Elia Neromba

rwa kupita kokamba a lihake mulihako ogu makura tagu zonagura yirugana yendi nayinye.

Nye ame na huguvara asi one nomitiri, kusikisa mo yirugana yeni noukonentu wokuminka asi ngava mu pande. Yeeyi rudi rwaKavango kwa mu huguvara yiyo va mu pa ruvaro rwawo asi mu ru va rerere, asi one ku vhura kuronga vantu va ka kare wowawa.

Mpandu one nosikorakomitee eyi mwa diva yirugana eyi amu paparere vanona veni nomitiri. Eyi yina kutanera nge asi mwa diva yirugana yeni vanona vana kara mosuree, nonomitiri edi adi rongo vana veni, nayinye eyi kuna ku genda nawa morwa udameki weni.

Vasikorakomitee kapi ava rugana mawokowoko, hawe, kulya nelypo lyokuhamoneka. Munona ogu ngo tumangeda aze kosure, pakumana sure nampo nga kara murongi nye, sili kapi ga ronga munoge ndi simpumba so-ge ndi mutekuroge, ntene ngoso nani kapi, ono kulya po. Yeeyi ogo gekoro lyoge ana kuronga pamwe ngaka kara Magasitarata, nyesili tupu kapi ngoka Iya koimaliwa yendi ogo gekoro lyoge?

Elia Nerom

OVATUMWA VA ALUKILA KOWAMBO

Ovatumwa, omushamane Raimo Holopainen neumbo laye ova alukila vali kOwambo eshi va ka fudile po eehani dimwe kOsoomi. Omushamane Raimo oha file oshisho omatungo e lili noku lili nhumbi e na okutungwa, oku na yo oshilonga shinene okutekula ovamati vokOmupanda (ovapofi) mofikola yavo. Ohatu pandula komhito ei ve i pewa.

Aatumwa mboka ya tonatitha oshigwana otaa tidhwa po

Aahongi yetu mboka ya tonatitha nale oshigwana notaa kwatha natango oshigwana shetu otaa tidhwa owala pwaa na omatompelo naatumwa aape mboka ya hala ye ye ya kwathe mpa-ka otaa tindilwa oopaasa, ihe Oombulu otadhi ya esiku kehe nompwaa na ezimino lyaalili yetu.

Osho ombilive yiitsa omugoyi ya holola ndjoka ya thigilwa omalenga gaNdonga komusamane Johannes Nangutuuala.

Tate Nangutuuala ngoka pamwe naalumentu yatano ya kala moonkundathana nomukwaniilwa gwoshilongo shaNdonga, Filemon Elifas, omowoombapila dha shainwa ndhoka dhe ekelahi omadhiladhilo gomavigumbo, okwa vulu okumanguluka nokukala ishewe noonkundathana nomupeha gwaamushanga gwligwana yaHangana Dr. Alfred Martin Escher, mOshakati.

Ombilive oya ti kutya elongelokumwe pokati koshigwana naaleli yasho ndyoka lya

halika otali yonwa kaatiligane, sho taa holeke oshili koshipala shaaleli. Ombilive oya yematela wo ooveta dhomavigumbo ndhoka itadhi zimine aaleli yi ili noyi ili yo muSuidwes ya gongale kumwe yo ya kundathane.

Kombinga yoshilonga shetumo mpaka ombilive oya ti kutya, aahongi ya tonatitha nale oshigwana shika notaa kwatha sigo onena otaa tidhwa po owala nenge otaa tindilwa oopasa dhokuya mpaka. Ihe Oombulu inapu tidhwa nando yimwe.

Omalenga ga thigilwa ombilive ndjika oga laleke aalumentu mbaka pwaa na ofuto yasha. Oya li ya yakulwa nawa mombala yomukwaniilwa.

Omusamane Adreas Nuukwawo, Justus Katondoka, Jairus Muleka, Diogenes Nakatumbe, naSakaria Nghikongwa oyo ya li koshipala shomalenga goshilongo,



"Tse otwa sa oluhodhi olunene omolwokutidhwa po kwaatumwa yetu kepangelo lya S.A." Osho sha li etumbulo limwe momapakete ga yeluthwa kongundu yaantu onene sho ya tsakaneka Dr. A.M. Escher, omupeha gwamushanga gwligwana ya hangana moshipangelo shEpagelo mOshakati.

OVALIHONGI OVAKRISTE VA LONGELA OSHILONGATUMO

Ovanafikola ovo haku tiwa paife Ehangano Lovalihongi Ovakriste (S.C.M.) okwa li va ongala mOngwediva lotete laApilili 1972. Moshongalele shavo shi na oikundafanwa iha-



Edidiliko lomutima li li ngaha olehangano lovalihongi ovakriste. Otali ulike eshi tava lalakanene, kutya ohole yavo oya dja momushiakano waKristus.

pu iwa, va tula mo yo oshipopiwa shoshilongatumo. Ova ifana umwe womepya letumo a hokolole sha koshilongatumo, oye tate Sakaria Nghikefelwa, ou ta longo muKongo.

Tate Nghikefelwa eshi a aluka, a etela oshilongatumo oipakete yomidjalo ya tumwa opo i kwafe Ovayelele koluhepo lavo lokolutu. Onda hala okupandula ponhele yoshilongatumo muKongo kutya,

Onye ovalihongi vongerki yaKristus, omwa ninga sha shomupondo. Kalunga ne mu punike, nande mu na oluhepo lihapu neemhumbwe dofikola, omwe di dimbwa, shaashi mu hole oshilonga shaKalunga. Eeranda nhano noshipakete shi yadi oidjalwa osha fika kuKongo.

Oinima otai ka kwafa ovakwanaluhepo vOvayelele. Kalunga ita dimbwa eyakulo leni eshi hamu yakula ovakwanaluhepo. Oye ote mu pe shihapu tamu shi pumbwa melihongo leni mu dule okuyambula po edu letu noshiwana shetu.

Tate Kalunga na kale nanye.

Paulus Andreas

OMUMBISOFI NENGE OMUPRESIDENDE

Omalimbililo oga holoka ishewe moongerki oonkwaLuther dhomuAmerika ngele otadhi ka longitha oshitya shedhina lyuukwatya womuwilikingerki "omumbisofi" peha lyoshitya "presidende." Sigo onena aawilikingerki muAmerika oyi ithanwa aapresidende nohaa longo ethimbo lyu uthwa. Ano itaa kala moshilonga shoka sigo eso lyawo ngashi hashi ningwa kaambisofi.

Eipulo ndika lyokulundulula edhina lyuukwatya womuwilikingerki otali ka kundathanwa natango moshigongingerki shoongerki ndhoka muAmerika 1974.



Dr. A. M. Escher

ONDA KANIFA

Vakwetu onda kanifa okakofa kanini twe ka dimbwa mombesha pOmafo eti-8.8.1972, oluvala okatilyana kediya. Omu na eendada L.E., embo lombanga la Pesou: okakalata komutwe, otekete yomashina, omiti yee-pela nodomomakende omashina eendjedi avari: ekumba li na oipatululo itatu itwima nombele ya kula nathatu dinini.

Ou we i mona ohandi ku futu nawa. Shivifa kuAbraham Erens, Str. 133, Elsiesriver, Cape Town.

lilongo iyali tayi ningi oshilongo shimwe

lilongo iyali yaAfrika Egipiti naLibia oya thiki metokolo yi hengumukile mumwe yo yi kale oshilongo shimwe. Ayihe kumwe o-tayi kala yi na aakalimo oomiliyona 37.

Moonkundathana dha zi pokati kaapange- li yiilongo mbyoka, omupresidende Anwar Sadat gwaEgipiti naMuammar Gaddafi gwa- Libia, okwa thikwa metokolo kutya, pu ni- ngwe ekotampango limwe alike ndyoka ta- li tameke okulongithwa omumvo tagu ya.


Mekotampango ndyoka otali kwatelelemo ehogololo lyomupresidende gwiilongo mbyo- ka iyali tayi hangana omumvo tagu ya, o- mukalo gwepangelo gu kale gumwe gwopa- demokrati, etanga lyaakwiita li kale limwe, iimaliwa yi kale omutse gumwe aguke.

Omolwoshilonga shika oshinene shokuha- ngana, uukomitiye wi ili nowi ili otau ho- gololwa okudhiladhila oshinima shoka nke- ne tashi ka enda. Mekotampango epe omu- na wo ompito yiilongo ikwawo yaAfrika mbyoka ya hala okuhengumukila muuku- mwe mboka. Ngiika Siria oye gwtango te ki imangeleka muukumwe mbuka.

Patengeneko opwa dhiladhilwa epangelo ndyoka limwe otali ka longitha Kairo sha- Egipiti ongoshinenelando shEpangelo lyawo. Oshilando shEpangelo lyaLibia ngashingeyi oTripoli.

Ondu uvite oluhodhi sho ite wapa okupopya nane amuhe ngashi mu li po ndi uve uudhi- gu wevi lyeni, ihe onawa sho mwa hogolola mboka tatu ka kundathana nayo, osho Dr. Escher a lombwele ongundu yi ile oku mu tsa- kaneka.

Tala kep. 6



Dr. Escher okwi ile pamwe nomusama- ne Mangalam Chako, gwa India omuwi- liki nomupeha moombelewa dha amu- shanga gwligwana ya hangana, moshi- kondo shiinima yuupolotika noshiinima yongundu yegameno lyaV.V.O. Oye o- kwa li wo pamwe na Dr. Waldheim.

Omalenga okwa nyematela eengaba dOwambo

Oshoongalele shovawiliki vomihoko adishe dovalaule osha indilwa kEpangelo IO- wambo omo oministeli yotete ya S.A. ya ifanewa mo vo nomushamane M. C. Botha oministeli yoinima yovalaula. Oshoongalele oshi na okuningwa ngeno pe- xulilo lohani ei ile pokati kaNovomba. (31.10.72 ile 23 Nov.1972) mOndangwa.

Mombilive yomanyenyeto omalenga Owa- mbo omolweengaba pokati kOwambo nOu- shimba inadi yukilila, omalenga okwa ti ku- tyu, oyo tu ka kale meenghundafana dombi- li, omangolyauko ongaba oku na okuyuki- fwa tete.

Fye ihatu ka uda ombili noshinima eshi, osheshi epangelo la S.A. le tu fulunyeka. Vali omolwoifitukuti oyo i li pokati ope na okukala elongelokumwe neudafanoko liwa, osho omalenga a holola.

Omushamane Ndjai Komufala J. de Wet. hamushanga wefaneko laOdendaal nomu- wiliki wongudu yomhilamenako mepangelo la S.A. Niehaus, ova shiivwa yo moshoo- ga- lele osho.

Pamadiladilo omudiinini woifitukuti omu- shamane E.Mbango, ongaba okwa li i na okupita mOsigabes, Onkoshi, mOmbika mOkakana, mOnalukondo, mOkatayitayi, mOniifo, mOhiyatyana fiyo Omulonga.

Eenhamanana oda dja meshilko leengaba olo la ningwa kEpangelo IOwambo pamwe noilyo yomepangelo la S.A. muAguste neu- do. Ohamba nomukuluntu munene mepa- ngelo IOwambo Filemon Elifas okwa li yo mongudu ei.

A PANDULA OSHILONGA SHAALONGI

Omushamane Mateus Kupololo ota nyola ta ti: Ongulohi kehe aanona yandje ohaa nya- nyudha ndje nuutewo nomahokololo gawo omawanawa ye ga longwa kosikola.

Ota tsu aalongi omukumo mboka haa lon- go posikola yaMindamba; Elia Mulumentu naRuth Shoombe kutya; Inamu dhimbwa uudhiginini weni okudhiginina aanona ya- ndje noku ya pa uunongo nehumokomeho. Oshilonga sheni kashi shi osima.

Tate Kupololo ota kumike wo aanashilo- ngatumo ayehe haa longo mepya ndyoka nokwe ya tala oyo iiyuma yaKalunga moka Kalunga a hyabatela mo evangeli lye.

Inamu dhimbwa okutalelapo oothigwa dha- Mindamba, aakulupe, iilema aaposi nosho tuu, oshoka oyo aantu yaKalunga. Osho o- munangesefa Kupololo ta nyola.

Oilonga ya Dr. Escher muNamibia

Oshilonga shomushamane Dr. Escher e uye apa omhumbwe ya dja metalelopo laHamushanga munene wOiwana yahangana Dr. K. Waldheim nomomafaneko eenghundafana davo nEpangelo la S.A. nde sha kolekwa yo kEwilikongudu lEameno lOiwana ya hangana eshi la etelwa ehokololo kuWaldheim.

Dr. Escher oku li paife apa ta longo meengaba domafo aa:

a) A kwafe melalakano lokufiki- fa edu eli memanguluko lo vene, ye a konakone omaudjuu aeshe e na sha nemanguluko ledu.

b) A yandje ehokololo laye ku Dr. K. Waldheim hamushanga munene wOiwana yaVVO nomekwatafano

Landa oshihauto.

Ngele wa hala okulanda oshi- hauto oshiwana wa ila kOniipa u pule omusamane Eriksson pombelewangerki nenge ponga- lashe oyo mu uvathane nawa. Oshihauto osholudhi FORD TRANSIT VAN/BUS tashi hu- mbata aantu nenge iinima yi vule 3/4 tona. Shomodela 1970 sha tondoka oomaila 50.000. Sha dhigininwa nawa notashi ende nawa natango. Otashi pu- la R800 adhike.

AANANGESHEFA YA KUTHA KO OONGAKU

Edhina B.B.K. olya li lya uvika olwindji mo- makana gaanangeshefa sho ya gongalele mo- shigongi shawo Eti-8.9.72 pOluno, mOndonga.

"Ou na ihelele, ou na omakoto, ou na e- fupa niimaliwa yoshigwana shika" osho a li a lombwelwa kaanangeshefa.

B.B.K ehanganano tali longo mOwambo ne- lalakano anuwa okukwatha oshigwana mo- kupungula iimaliwa, mokungeshefa nomoku- pendula po evi pamikalo dhontumba no- dhongandi, pazimino lyEpangelo.

Ehanganano ndika olya tameke iilonga sho oshigwana sha li sha tidha po ehanganano ndyoka lya li lya longo ethimbo ele muka SWANLA. Omumvogu oositola dhaSwanla ndhoka dha li dha thigululwa po ku B.B.K, odha patwa paindilo lyaanangeshefa mOwa- mbo, oyo oshigwana ashihe naatiligane shi lande moositola dhaaluudhe. Shika inashi pi- ta nando.

Aanangeshefa mOwambo konyala 600 no- shigwana ashihe ohatu landa mooholosaila dha B.B.K, ndhoka dha shituka oomaalaka. Aa- ntu haa longo mu B.B.K ihaa landa we palwe, ofabulika yinamunate ihayi landitha kaana- geshefa, omahanganano galwe inaga pitikwa ku B.B.K.

Oyo iinima ayihe ya ngungutulwa moshig- ongi kaanangeshefa mOwambo.

Mewiliko lyomunashipundi gwoshigongi o- musamane Kiliana Amupolo, oshigongi osha indila kEpangelo lyOwambo Ehanganano lya- B.B.K li talike ekwiilongo mevi ndika, osho wo pu kale ompito yokweethela omahanganano galwe ga longe wo mOwambo.



nepangelo la S.A. oyo omaudjuu e li meenghundafana edi a kandulwe po.

c) Epangelo la S.A. li mu kwafe meemhumbwe daye ngeenge te ya ku S.A. ile kuNamibia okukundafana neengudu di lili nodi lili muNami- bia.

Komaongalo aeshe omu ELOK

OSHOONGALELE SHOVALUMENHU

Kalunga nenge e shi hala, MOngwediva otamu ka ningwa oshoongalele shovalumenhu, tashi ka hovela eti-20 Kotoba komatango potundi 5.00 nde tashi xulile eti-22 Kotoba lwopotundi 2 komatango.

Oshoongalele otashi ka shiva ovalumenhu aveke, va kale koshipala shaKalunga no-kuuda eendjovo daye. Moshooongalele otamu longwa yo okushiiva ongerki yetu ELOK nomaongalo ayo nosho yo ouhakumwenyo.

Ope na omhito yomapulo. Ovo tava eta oipopiwa ovo ovalinekelwa mongerki yetu yomu ELOK ngashi, Kleopas Dumeni, Jason Amakutuwa, Festus Ashipala, Timoteus Shipanga, na Sebulon Ekandjo, nosho tuu.

Omunashoongalele keshe na etelele 40c molwoikulya, ye na kale yo e na Ombi-beli nEhangano.



Epafraas Shavuka

Ongerki otayi uvitha shike muuyuni?

Ethimbo lya piti evangeli olya yakulwa kaatiligane mokati kaaluudhe. Aaluudhe sho twe li taamba, oshe tu yelee wo kutya natse otatu kala aanangunga ngele itatu kala memanguluko oku li fala shaa mpoka tu uvite ethiminiko oku li fala po, pwaa na okutala eyooloko lyehala, lyoshipa, nenge lyomuhoko.

Opo mpaka pe na ekota lyohapu yehanganitho, ndyoka Kalunga e li etele uuyuni sho a kulukitha elaka lyevangeli moka twi ilongo owino mbuka. Mohapu yaKalunga otwi ilongo shono Kalunga a tegelela kutse tu shi ningile ooyakwetu.

Oshinima shotango shono Kalunga a tegelelela kutse tu shi ningile ooyakwetu osho okuuvitha Ohapu yehanganitho komuntu kehe pehala lye kehe nosho tashi tu thim-nike okukala kumwe nopamwe pwaa na okutalwa ukwatya wokombanda nomayooloko gayalwe.

Katu uvite ko aluhe muule uule woma dhiladhilo gaKalunga moshinima shika, ihe shimwe ashike she tu yelee; Kalunga omu-yapuki okwi ihanganitha natse, opo wo tse momayooloko getu gokombanda twi ihanga-nithe nayalwe.

Monkalo ya hanganithwa, aaloloki otaa vululukithwa naanankondo otaa mono ompito yokuyambidhidha ooyakwawo. Onkee opo omuntu kehe a yakulwe kumukwawo, ongerki oyo yi na okutetekela okutaaguluka oongamba adhihe nokulaalela neuvitho lyayo mboka ye li handiyaka ya vule okutseya omuhanganithi guuyuni Jesus. Epafraas Shavuka

Omuntu a pumbiwa miilonga

Otaku pumbiwa omuntu omukadhona nenge omumati a pyokoka nawa moku-kulula nomashina golusheno nokwoopaleka omafufu gaalumentu nogaakiintu pOsitola yaNamagongwa, Posbus 110, Ondangwa.

Ngoka u na owino miilonga mbika nou na ehala, ukitha eindilo lyye ku Die Bestuurder Thomas Philipps; Ondjukithi tala pombanda, manga eti-31.10.1972 inaali pita. Okuholoka mwene oshivanawa unene.

Endelela waa kanithe ompito!

Namuhuja ita tsikile we nomalongekidho

Omutaleli gwoosikola omusamane Hans D. Namuhuja ke shi we oshilyo shokangundu kokulongekidha ekotampango lyEpangelo lyOwambo ndyoka tali ka hogololwa omu-mvo tagu ya.

Metseyitho lye kOmbelewa yOmukwetu, omusamane Namuhuja okwa ti:

"Omolwiinima yontumba noyongandi, nda zi mo mokangundu, kandi shi we oshilyo."

Tate Namuhuja okwa li a hogololelwa mo-komitiye ndjoka kEpangelo lyOwambo ani-wa a kale mo peha lyaalongi.

Omawweendo oge li po ngashingeyi goko-mitiye ndjoka koombinga noombinga dhO-wambo, okupula ewi lyoshigwana ngele ota-li zimine omulandu gwomavigumbo. Ashike inashi yela nawa okomitiye ndjoka kutya o-yi na lilyo yi thike peni ngashingeyi nando omadhina gawo oga uvikilwe mooradio no-miifo.

Omusitagongalo Kleopas Dumeni ngoka kwa li aniwa omukalelipo gwaasitagongalo naye ina zimina okutaamba oshilonga shoka. Osho wo omupangi Johanna Shijagaja, peha lyaapangi.

Miigongi ya tetekele oyindji nomumbika yi li po ngashingeyi omolwomalongekidho gEpangelo Epe lyOwambo; oshigwana osha yematele oshinima shomavigumbo.

Ewi lyooitaali nali uvike puuyelee

Oongundu dhaakriste noongerki muuyuni auhe odha indilwa dhi holole ewi lyadho puuyelee. Osha zi mokomitiye yokukonako-na iinima yeitaalo nomageeloputudho mehangano lyoongerki adhihe dhomuuyuni.

Okangundu haka oka tala kutya, oku na ompumbwe onene moongerki yokuya kumwe nokuhempulula eitaalo lyawo muukumwe, pe-thimbo lyomaudhigu gongashingeyi. Okomi-tiye oya tunga elandulathano lyokukonako-na uukumwe wOngerki mokati kiigwana.

Oshigongi shokomitiye ndjika sha gonga-lele muHolanda, otashi ka landulwa koshi-kwawo tashi ka gongalela muAfrika 1974. (EPS)

A HULITHA OONDJENDA DHE

Omulongi omukuluntu mUukwaluudhi, A-bisai Amunyela, okwa hulitha oondjenda dhe eti-12.9.1971. Omusamane Amunyela gu-mwe gwomaavalekele yUukwaluudhi okwa tamekele oshilonga she shuulongi 1936 si-go 1968 moka a penzelwa.

Pamwe noshilonga shuulongi okwa yaku-la egongalo mokulonga aanasikola yeshasho noyekoleko, omuuivithi ependa nomukulu-ntu gwegongalo. Eitaalo lye olya li oha-mala mokati koshilonga shawo okutatula o-mamanya giimenka nogiidhila mwiya.

Ongangoka a likola einekelo okwiineke-lwa moshilongo she, okwa tulwa melelo lyongundu yokulela oosikola (Skoolraad) e-landulathano ndika sho lya holoka. Omu-mvogu oyendji otaye mu dhimbulukwa mO-ngwediva sho kwa li a hogololwa a kale o-shilyo mokomitiye yokukundathana omau-dhigu giilonga yaamati mUushimba. Okwa thigi po omuselekadhi gwe noyana 13, aa-kiintu 7 naalumentu 6.



OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse
Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omu-mbisofi Dr. Leonard Auala,
Amushanga/redakteur Rev. Sebulon Ekandjo
Ondando yoshifo komumvo muSuidwes-Afrika
R1.00, kombanda yomafuta R2.00
Oondando nomambestelo naga tumwe kOmu-kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule
woondeimi 1 otashi futwa R1.00
oondeimi 2 otashi futwa R1.90
oondeimi 3 otashi futwa R2.70
oondeimi 4 otashi futwa R3.40
oondeimi 5 otashi futwa R5.00
Oto vulu okutuma wo efano lyaashono wa hala shi tseyithwe.

Owambokavango Church Press
P/B 2013 Ondangwa, S. W. A.